

Fomento da cultura, o lecer e a contorna local

Ofomento das iniciativas máis locais de EROSKI busca favorecer o benestar das persoas próximas á nosa rede comercial e pór en valor a cultura e as tradicións máis próximas.

Promoción e difusión de linguas locais

En EROSKI consideramos as linguas locais como parte esencial do patrimonio cultural das comunidades da nosa contorna, por iso traballamos de forma continua na súa promoción e difusión.

No caso do éuscaro, destaca a iniciativa que levamos a cabo xunto con Elhuyar Fundazioa para desenvolver un motor de busca neste idioma. Este proxecto de I+D, no que tamén colabora a Universidade do País Vasco, desenvolve un buscador en éuscaro moito máis avanzado dos que existen a día de hoxe. Mediante a súa integración na nosa plataforma en liña, conseguimos simplificar e mellorar a navegación polos documentos da revista EROSKI CONSUMER. Tamén cómpre sinalar a participación anual nos grandes eventos en éuscaro, con patrocinios vinculados á Feira do Libro e do Disco Vasco de Durango (Durangoko Azoka), a máis destacada do

calendario neste ámbito. Ao mesmo tempo, colaboramos coas principais festas do éuscaro, como Herri Urrats, Ibilaldia, Araba Euskaraz, Kilometroak, Nafarroa Oinez e a festa da Escola Pública Vasca. Nos eventos da Escola de Alimentación da Fundación EROSKI organizados nelas participaron 10.824 persoas.

Tamén en Galicia poñemos en valor a cultura e a lingua da rexión sumándonos a todas aquelas iniciativas que estean estreitamente ligadas á sociedade galega. Por exemplo, como en exercicios anteriores, en 2018 continuamos apoiando a celebración do Día das Letras Galegas.

Estas accións únense ao noso esforzo continuado para que a revista EROSKI CONSUMER poida ser lida en castelán, éuscaro, galego e catalán.

Lecer e cultura

Así mesmo, intentamos achegar a cultura aas persoas consumidoras a través de diversos patrocinios como, por exemplo, o do festival cultural Musikaire, que ten lugar anualmente en Elorrio, onde se atopa a nosa sede social.

Por outra banda, conscientes da importancia do deporte na sociedade actual e para levar unha vida saudable, tamén apoiamos as actividades deportivas organizadas na nosa contorna máis próxima. Ademais, a través do Programa CAPRABOSport, en 2018 contribuímos con 224.000 euros repartidos entre 118 clubs afeccionados, co obxectivo de fomentar hábitos saudables coma o da práctica deportiva.

No País Vasco colaborouse con carreiras populares como a Herri Krosa ou a regata de Santurce. Ademais, como veu facendo anualmente, FORUM SPORT organiza a Kosta Trail en Biscaia, unha carreira de montaña cunha vertente solidaria que inclúe percorridos para toda a familia e para as persoas amantes das travesías.

